



SPORTSKO UDRUŽENJE | SPORTS ASSOCIATION

FAIR PLAY

Avde Hodžića do br. 114 | 71000 Sarajevo | Bosna i Hercegovina

Tel: +387 62 222 243 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

DISCIPLINSKI PRAVILNIK

„BH TELECOM FAIR PLAY“ LIGE
ZA SEZONU 2025/2026



Član 1.

Ovim Pravilnikom uređuju se pravila ponašanja takmičara i ovlasti Takmičarske komisije, te se određuje disciplinski postupak i disciplinske mjere u slučaju nepoštivanja pravila propisanih Propozicijama Lige, Pravilima igre kao i kršenja osnova fair play-a.

Član 2.

Takmičarsku komisiju imenuje Upravni Odbor udruženja. Takmičarska komisija sastoji se od tri (3) člana. Takmičarskom komisijom predsjedava predsjednik, koji saziva i rukovodi sjednicama.

Takmičarska komisija djeluje i odlučuje u skladu sa Propozicijama lige i Disciplinskim pravilnikom takmičenja.

Takmičarska komisija donosi prijedlog izmjena i dopune Propozicija lige i Disciplinskog pravilnika.

Delegat utakmice nakon svakog odigranog kola, dužan je Takmičarskoj komisiji podnijeti izvještaj o eventualnim prekršajima i kršenjima Pravila i Propozicija, kako bi Takmičarska komisija donijela odluke u vezi sa načinjenim prekršajima.

Član 3.

Svrha disciplinskog postupka i disciplinskih mjera je sprječavanje činjenja prekršaja u budućnosti, preodgoj igrača i jačanje discipline, odgovornosti, ponašanja i morala svakog igrača ponaosob, kao i ekipa u cjelini, a sve kako bi se promovisao duh fair play-a na najvišem nivou.

Vrste sankcija za takmičare su:

- Javna opomena (žuti karton)
- Isključenje (crveni karton)
- Novčana kazna (žuti karton 5 KM, crveni karton 20 KM)
- Zabrana igranja - suspenzija
- Isključenje iz takmičenja privremeno ili trajno (u slučaju težih povreda Pravila i Propozicija Lige)

Vrsta sankcija za ekipe:

- Oduzimanje bodova
- Isključenje iz takmičenja

„BH Telecom FAIR PLAY“ Liga – Disciplinski pravilnik za sezonu 2025/2026



Član 4.

Pod javnom opomenom smatraju se sve opomene koje sudija, primjenjujući pravila nogometne/fudbalske igre, izrekne pokazivanjem žutog kartona igračima, upisanim u zapisnik utakmice, od prve do posljednje minute utakmice odigrane u punom trajanju.

Sudija je dužan delegatu prijaviti svaku javnu opomenu koju je izrekao na utakmici, kako bi iste bile unesene u zapisnik utakmice.

Ako je utakmica prekinuta, javne opomene sa te utakmice se ne evidentiraju dok se ne donese konačna odluka o registraciji te utakmice ili eventualno, njenom ponovnom igranju.

Delegat ima ovlaštenja korigovati odluku sudije ili sudijama ukazati na nepravilnosti ili kršenja Pravila i Propozicija takmičenja kako bi se takmičar kod kojeg je delegat uočio neprimjerena ponašanja, tj. kršenja Pravila ili Propozicija adekvatno sankcionisao.

Član 5.

Igrač koji u toku takmičenja sakupi 3 (tri) žuta kartona, automatski dobiva kaznu neigranja prve sljedeće takmičarske utakmice Lige.

Svako isključivanje igrača iz igre (crveni karton) za sobom automatski povlači disciplinsku mjeru neigranja najmanje jedne (1) utakmice (prva sljedeća takmičarska utakmica Lige).

Crveni karton (dva žuta) kojega igrač dobije zbog prekršaja, znači zabranu igranja na 1 (jednoj) utakmici, a u ponovljenom slučaju kazna se udvostručuje.

Direktan crveni karton kojega igrač dobije zbog naročito grubog prekršaja, znači zabranu igranja do 3 (tri) utakmice, a u ponovljenom slučaju kazna se udvostručuje.

Član 6.

Ko se nesportski ponaša prema drugom takmičaru, bilo igraču svog ili protivničkog tima, sudijama utakmice, delegatu, zapisničarima ili gledaocima u toku igre, poslije igre na terenu za igru ili van njega, a u vezi sa Ligom, biće kažnjen:

- a) igrač - zabranom igranja najmanje 3 utakmice;
- b) službeni predstavnik/trener - zabranom vođenja ekipe najmanje 3 utakmice.

Ako se prekršaj iz stava 1. ovog člana, okvalifikuje kao teži prekršaj ili se ponovi, biće kažnjen:

- a) igrač - zabranom igranja ili isključenjem iz takmičenja – zabranom igranja najmanje duplo u odnosu na prvu sankciju ukoliko je igrač već sankcionisan za isti ili sličan prekršaj;
- b) službeni predstavnik/trener – zabranom vođenja ekipe/vršenja funkcije najmanje duplo u odnosu na prvu sankciju ukoliko je predstavnik/trener već sankcionisan za isti ili sličan prekršaj zabranom vođenja ekipe/vršenja funkcije do kraja takmičarske sezone ili isključenjem iz takmičenja u skladu sa odlukom Takmičarske komisije.

Pod nesportskim ponašanjem podrazumijeva se: psovanje, pljuvanje, nepristojni gestovi, grubo prigovaranje i prkošenje odlukama sudija utakmice na neprimjeren način, kao i način protivan duhu fair play-a, izazivanje igrača svoga ili protivničkog tima sa namjerom da se uvrijedi, omalovaži ili na bilo koji drugi način grubo povrijedi Pravila i duh fair play-a, službenih lica i gledalaca riječima, pokretima i gestovima, kao i sve radnje koje mogu štetiti ugledu Lige i koje su protivne duhu fair play-a.



SPORTSKO UDRUŽENJE | SPORTS ASSOCIATION

FAIR PLAY

Avde Hodžića do br. 114 | 71000 Sarajevo | Bosna i Hercegovina

Tel: +387 62 222 243 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

Pod nesportskim ponašanjem može se smatrati i ponašanje protivno fair play duhu i načelima Lige kao što su nepriznavanje očiglednih prekršaja od strane igrača ili drugih nepoštivanja fair play duha.

Član 7.

Pod grubom igrom podrazumijeva se namjerno ostvarivanje fizičkog kontakta sa protivničkim igračem na nedozvoljen i krajnje grub način ili način protivan postojećim pravilima nogometne/fudbalske igre, sa upotrebom prekomjerne snage, kao i startovanje sa obje noge, podmetanje đona, saplitanje protivnika, neizbjegavanje povrede protivnika, odnosno prekoračenje samozaštite i sl.

Igrač koji bude isključen zbog grube igre iz stava 1. ovog člana, biće kažnjen zabranom igranja do 3 (tri) utakmice, u skladu sa težinom prekršaja.

Ako se prekršaj iz stava 1. ovog člana ponovi igrač će biti kažnjen zabranom igranja najmanje 3 (tri) utakmica zabrane igranja.

Član 8.

Fizički napad je svaki oblik fizičkog kontakta ostvaren dijelom tijela ili predmetom, sa očiglednom namjerom da se protivnički igrač ili saigrač povrijedi, isključujući guranje ili odgurivanje, osim u slučaju kada je onaj koji je fizički napadnut usljed guranja ili odgurivanja od intenziteta guranja ili odgurivanja oboren na tlo.

Igrač, koji za vrijeme igre, na terenu ili van terena fizički napadne bilo kojeg učesnika takmičenja, biće kažnjen zabranom igranja od najmanje 5 (pet) utakmica, u zavisnosti od intenziteta napada.

Ako se prekršaj iz stava 1. ovog člana okvalifikuje kao teži prekršaj ili se ponovi, igrač može biti sankcionisan isključivanjem iz lige privremeno ili trajno, u skladu sa odlukom Takmičarske komisije.

Igrač, koji fizički napadne službeno lice utakmice prije utakmice, za vrijeme trajanja utakmice ili poslije utakmice, a u vezi sa Ligom, biće kažnjen privremenim ili trajnim isključenjem iz takmičenja.

Igrač, koji fizički napadne gledaoca za vrijeme igre ili poslije završetka utakmice, može biti kažnjen zabranom igranja od najmanje 5 (pet) utakmica.

Ako se prekršaj iz stava 5. ovog člana okvalifikuje kao teži prekršaj ili se ponovi, igrač će može biti kažnjen privremenim ili trajnim isključenjem iz takmičenja.

Član 9.

U slučaju izazivanja prekida utakmice, koja ne bude nastavljena, igrači koji su prouzrokovali prekid, biti će kažnjeni zabranom igranja od 3 (tri) do 5 (pet) utakmica.

Ako je ekipa za vrijeme utakmice prouzrokovala bilo koju vrstu incidenta zbog koje je utakmica prekinuta ili je ta ekipa napustila teren za igru pa utakmica nije nastavljena, ekipa će biti kažnjena oduzimanjem najmanje tri (3) boda.

Igrač ili predstavnik ekipe koji podstrekava ekipu da iz bilo kojih razloga napusti teren ili ne započne igranje utakmice, biće kažnjeni zabranom igranja od 3 (tri) do 5 (pet) utakmica neigranja, odnosno vođenja ekipe.

Ekipa koja iz neopravdanih razloga ne nastupi na utakmici ili ne opravda svoj nedolazak najkasnije 5 (pet)



SPORTSKO UDRUŽENJE | SPORTS ASSOCIATION

FAIR PLAY

Avde Hodžića do br. 114 | 71000 Sarajevo | Bosna i Hercegovina

Tel: +387 62 222 243 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

dana prije odigravanja utakmice, biti će kažnjena oduzimanjem najmanje 3 (tri) boda, odnosno sa najmanje 3 (tri) negativna boda, a utakmica će se registrovati službenim rezultatom za protivničku ekipu službenim rezultatom (5-0), osim u slučaju više sile.

Ako u ekipi nastupi igrač koji nije imao pravo po bilo kojem osnovu (prijavljen je suprotno Pravilima i Propozicijama Lige, ako igrač nastupi iako je pod suspenzijom, nastupa pod drugim imenom i prezimenom i sl.), a naknadnom provjerom se utvrdi tačnost takve informacije, ekipa se kažnjava oduzimanjem svih bodova koje je osvojila u utakmicama u kojima je nastupao taj igrač, a igrač privremenim isključenjem iz takmičenja najmanje do kraja tekuće sezone do 1 (jedne) godine od dana saznanja Organizatora za prekršaj

Oduzeti bodovi se ne dodjeljuju protivničkim ekipama.

Član 10.

Za prekršaj, pri čijem izvršenju je učinilac postupio sa naročitom drskošću, upornošću, bezobzirnošću ili je prekršaj proizveo naročito teške posljedice ili je učinjen pod naročito otežavajućim okolnostima, može se izreći veća mjera, do dvostruke visine propisane kazne ili strožija kazna.

Član 11.

Svaki pokušaj ili iskazivanja namjere za fizički napad na službena lica utakmice, kažnjava se zabranom igranja najmanje 5 (pet) utakmica, a u ponovljenom slučaju isključenjem iz takmičenja.

Pokušaj ili iskazivanje namjere za fizičkim napadom na službena lica, ogleda se u iskazivanju očite namjere da se ostvari fizički kontakt sa službenim licem, zbog načina i pristupa samom pokušaju.

Fizički napad na sudiju podrazumijeva bilo kakav fizički kontakt igrača sa službenim licima, bez obzira na njegov intenzitet.

Član 12.

Za fizički obračun među igračima, kao i sa službenim predstavnikom ekipe minimalna kazna zabrane igranja je 5 (pet) utakmica.

Član 13.

Zabranom igranja najmanje 1 (jedne) utakmice kažnjavat će se nesportsko ponašanje izvan igrališta (vrijeđanje zapisničara, lupanje po stolu, udaranje po štoperici i slični prekršaji), kao i za napucavanje lopte u zid ili u gledalište, a u ponovljenom slučaju kazna se udvostručuje.

Član 14.

Psovka igrača se kažnjava žutim kartonom, a ako se radi o psovci upućenoj direktno suparničkom igraču ili službenim licima, kazna je direktan crveni karton.

Član 15.

U slučaju psovki vjerskih svetinja igrač se kažnjava privremenim ili trajnim isključenjem iz Lige, svih drugih takmičenja u organizaciji SU „Fair Play“ Sarajevo.

Član 16.

Zbog izazivanja ili učešća u fizičkom obračunu sa bilo kojim sudionikom takmičenja, Takmičarska komisija može donijeti mjeru isključivanja iz takmičenja kako za pojedinca tako i cijele ekipe, te zabrane učešća na svim takmičenjima u organizaciji SU „Fair Play“ Sarajevo.



SPORTSKO UDRUŽENJE | SPORTS ASSOCIATION

FAIR PLAY

Avde Hodžića do br. 114 | 71000 Sarajevo | Bosna i Hercegovina

Tel: +387 62 222 243 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

Član 17.

Svaki pokušaj namještanja utakmice će značiti diskvalifikaciju pojedinaca i ekipa, te brisanje svih postignutih rezultata istih.

Svaki pokušaj simuliranja prekršaja biti će sankcionisan žutim kartonom od strane sudija.
in

Član 18.

U slučaju namjerno nanesene materijalne štete stvarima, sredstvima i rekvizitima koji su u vlasništvu Organizatora takmičenja, kao i u slučaju bilo kakvog uništavanja imovine u dvorani gdje se takmičenje održava, Takmičarska komisija Lige može donijeti odluku zabrane učešća na takmičenjima koje organizira SU „Fair Play“ Sarajevo, kao i tražiti naknadu štete pred nadležnim sudom.

Član 19.

Odluke Takmičarske komisije su konačne i na njih nije moguće izjaviti žalbu.

U Sarajevu, 03.11.2025. godine

Upravni odbor
SU FAIR PLAY

Broj: 02-11-5/25